



Kamis, 24 Oktober 2024
Ogen: Kuan-kuanen 14:26



"Dat Kecion"



Bas sada kerangen si nggo itabah kerina sinuan-sinuanna, lit sada perik cip-cip si kebenen ingan guna kecion. La tehna kuja arus ngadi-ngadi sebab sedekah enda, je ngenca tehna rumahna. Udang pegancih ras las matawari erbanca nggo kote kel ia, lanai kesahna kabang pe. Emaka sada paksa reh kawanen bango ku inganna e. Emaka iorati bango ndai ia, "engkai maka kam je? Ija nge rumahndu?". Ngalo perik e, "lanai lit rumahku, lanai lit inganku cio". Emaka reh nina bango e, "nggit kam ku kataken kin? To lah kam ku kuta sebrang, je lit kerangenna, kujelah kam." Kenca bage lawes perik cip-cip ndai, ku kuta sebrang. Idahna je melala batang kayu si rimbun, idahna pe piga-piga perik cip-cip nggo rasar i je. La ia mbue ngerana, minter perik-perik cicip si je leben tading ngalo-ngalo ia. Je me bas siseri ras ia, ia ndatken ingan cio. Nggeluh bas jaman genduari pas kal bagi kecibal perik cip-cip ndai, sekejap mata banci kenyamanan ras keamanan rempet lanai lit bas kita. Tuhan ngajari kita gelah tetap malang ras mbiar nandangi IA. Sebab doni enda la terarapken. La lit jaminenna kita la i PHK, la lit jaminenna sinuan-sinuanta kena erga, la lit jaminen kalak si keleng ateta tetap setia, la lit jaminen mehuli pe sibang bage ka ban kalak man banta. Tapi Kuan-kuanen 14:26 e me sada ayat si dem alu arapen ras jaminen. Alu geluh malang man Tuhan, kita ndatken ketenengen, perlindungan ras pasu-pasuNa si simpar. Marilah si darami ketenengen si tuhu-tuhu bas Tuhan nari. Arah sidalanken sijadi persuruhenna, tetap sidalanken alu setia ras disiplin, bas kai pe ersukutenlah kita man baNa. Lit pe perbeben sinderpa ola minter sisalahken Dibata sidarami idota, tapi turiken isi pusuhta maka kita ndatken ingan kecion i tengah badai kegeluhen e.